



Dyddiad creu: 23/05/18
Dyddiad cyhoeddi: 22/11/18
Rhif y fersiwn: 1.00

Maes gwasanaeth:	Addysg
Maes gwaith:	Blynyddoedd Cynnar
Manylion cyswllt:	Fiona Santos GGiD@caerffili.gov.uk Ffôn: 07810 438505
Enw'r Hysbysiad Preifatrwydd:	Asesiad Digonolrwydd Gofal Plant 2022 – Ymgynghoriadau
Disgrifiad o'r Hysbysiad Preifatrwydd:	Bydd yr hysbysiad preifatrwydd hwn yn egluro sut y bydd Cyngor Bwrdeistref Sirol Caerffili yn defnyddio'r wybodaeth a ddarperir ar gyfer Asesiad Digonolrwydd Gofal Plant Caerffili 2022 a ddarperir gan ymgynghoreion.

Sut y byddwn yn defnyddio'ch gwybodaeth

Y diben a'r sail gyfreithiol ar gyfer defnyddio eich gwybodaeth

Diben y gwaith prosesu

Mae'n ofynnol i Gyngor Bwrdeistref Sirol Caerffili ymgynghori â nifer o randdeiliaid fel rhan o'i ddyletswydd statudol o dan Ddeddf Gofal Plant 2006 i gynhyrchu Asesiad Digonolrwydd Gofal Plant.

Drwy gasglu eich data, mae hyn yn gwella gallu Cyngor Bwrdeistref Sirol Caerffili i gydlynu ac asesu'r cyflenwad a'r galw am ofal plant yn yr awdurdod lleol.

Sail gyfreithiol ar gyfer y gwaith prosesu

Er mwyn i brosesu data personol fod yn gyfreithlon o dan y Rheoliad Cyffredinol ar Ddiogelu Data 2016, mae'n rhaid nodi amod dilys o erthygl 6 o'r Rheoliad, a amlinellir isod:

Mewn perthynas â sicrhau bod y gwaith prosesu yn bodloni gofynion adrannau 22, 26 a 27 o Ddeddf Gofal Plant 2006 (nid yw ar gael yn Gymraeg gan mai dyfyniad o ddeddfwriaeth nad yw wedi ei gwneud yn Gymraeg ydyw):

1e. processing is necessary for the performance of a task carried out in the public interest or in the exercise of official authority vested in the controller;

Mewn perthynas â'r holl waith prosesu arall (nid yw ar gael yn Gymraeg gan mai dyfyniad o ddeddfwriaeth nad yw wedi ei gwneud yn Gymraeg ydyw):

1f. processing is necessary for the purposes of the legitimate interests pursued by the controller or by a third party, except where such interests are overridden by the interests or

fundamental rights and freedoms of the data subject which require protection of personal data, in particular where the data subject is a child.

Ffynhonnell a'r math o wybodaeth sy'n cael ei phrosesu

Categoriâu/Ffynhonnell data personol a geir

Gall yr wybodaeth a gasglwn ni gynnwys rhai, neu bob un, o'r categorïau a restrir isod:

- Enw'r busnes
- Manylion cyswllt
- Enw'r prif gyswllt/rheolwr neu berchennog
- Cyfeiriad y busnes
- Cyfeiriad y wefan
- Grwpiau oedran y gwasanaeth a ddarperir
- Math o wasanaeth a ddarperir a'r iaith
- Galw am ofal plant
- Oriau agor y busnes
- Dewis iaith
- Cymwysterau a hyfforddiant
- Manylion cofrestru gofal plant
- Cyfleusterau'r busnes
- Eich barn ar y farchnad gofal plant leol
- Eich barn ar ddigonolrwydd y ddarpariaeth gofal plant leol
- Eich barn ar Gynnig Gofal Plant Cymru
- Eich cynlluniau ar gyfer y dyfodol
- Manylion am eich profiad, hyfforddiant (a gwblhawyd yn ystod y ddwy flynedd diwethaf) a'ch hyder o ran helpu plant ag anghenion ychwanegol.
- Manylion am eich profiadau chi yn ystod ac yn dilyn pandemig COVID-19
- Manylion am anghenion gofal plant eich staff
- Nifer y lleoedd gofal plant sydd ar gael
- Nifer y lleoedd gweithgareddau sydd ar gael

Gall y Cyngor gasglu'r wybodaeth hon mewn sawl ffordd:

- Ar lafar dros y ffôn
- Drwy ddiweddariadau gan Arolygiaeth Gofal Cymru (CIW)
- Holiaduron e-bost:
- Negeseuon ar y cyfryngau cymdeithasol

Byddwn yn cadw'ch data:

- Ar gronfeydd data diogel ar-lein a gweinyddion Cyngor Bwrdeistref Sirol Caerffili sy'n cydymffurfio â'r Rheoliad Cyffredinol ar Ddiogelu Data.

Cyhoeddir data dienw ar wefan Blynnyddoedd Cynnar y Cyngor a bydd yn rhan o Asesiad Digonolrwydd Gofal Plant Caerffili a rennir â Llywodraeth Cymru.

Pwy fydd yn cael mynediad at eich gwybodaeth?

Manylion y Rheolydd Data a'r Swyddog Diogelu Data

Y Rheolydd Data ar gyfer eich gwybodaeth yw Cyngor Bwrdeistref Sirol Caerffili. Y Swyddog Diogelu Data yw:

Mr Carl Evans

Rheolwr Llywodraethu Gwybodaeth Gorfforaethol/Swyddog Diogelu Data

E-bost: DiogeluData@caerffili.gov.uk

Ffôn: 01443 864322

Efallai y bydd Rheolyddion Data eraill hefyd yn gyfrifol am eich gwybodaeth, yn dibynnu ar yr amgylchiadau penodol. Am ragor o wybodaeth, cysylltwch â'r maes gwasanaeth.

Manylion am brif ddefnyddwyr eich gwybodaeth

Dim ond at ddibenion llywio ysgrifennu Adroddiad a Chynllun Gweithredu Asesiad Digonolrwydd Gofal Plant 2022 y bydd eich gwybodaeth yn cael ei defnyddio o ran cyflenwi, galw ac ansawdd gofal plant ledled y Fwrdeistref Sirol.

Byddwn ni hefyd yn defnyddio'ch gwybodaeth gyswllt i anfon gwybodaeth atoch y credwn sydd o ddiddordeb i chi, megis manylion ein cynhyrchion a'n gwasanaethau, cylchlythyrau, diweddariadau cyfreithiol, nodiadau briffio, a gwahoddiadau i ddigwyddiadau. Gallwch ddewis peidio â chael y cyfathrebiadau hyn ar unrhyw adeg drwy gysylltu â ni.

Mae'r Cyngor yn rhannu'ch data â Llywodraeth Cymru i adrodd ar y gwasanaeth. Yn yr achos hwn, mae'r data'n ddiennw.

Manylion am unrhyw achos o rannu'ch gwybodaeth o fewn Cyngor Bwrdeistref Sirol Caerffili

Timau eraill yng ngwasanaeth y Blynnyddoedd Cynnar.

Manylion am unrhyw achos o rannu'ch gwybodaeth â sefydliadau eraill

Rhennir gwybodaeth am ddarparwyr gofal plant hefyd â Llywodraeth Cymru fel rhan o Asesiad Digonolrwydd Gofal Plant Caerffili.

Nid yw hyn yn cynnwys gwybodaeth bersonol am y darparwyr eu hunain, dim ond gwybodaeth am y ddarpariaeth, y gwasanaethau a ddarperir a lleoliad.

Ceisiadau am wybodaeth

Mae'n bosibl y bydd yr holl wybodaeth a gedwir gan Gyngor Bwrdeistref Sirol Caerffili yn destun ceisiadau o dan Ddeddf Rhyddid Gwybodaeth 2000, Rheoliadau Gwybodaeth Amgylcheddol 2004 a deddfwriaeth Diogelu Data.

Os bydd yr wybodaeth a ddarperir gennych chi yn destun cais o'r fath, bydd Cyngor Bwrdeistref Sirol Caerffili yn ymgynghori â chi ynghylch ei rhyddhau, lle bo hynny'n bosibl. Os byddwch chi'n gwrthwynebu rhyddhau eich gwybodaeth, byddwn ni'n cadw'r wybodaeth yn ei hôl, os bydd y deddfwriaeth berthnasol yn caniatáu i hynny ddigwydd.

Am ba mor hir y byddwn ni'n cadw eich gwybodaeth

Manylion am y cyfnod cadw

Bydd ymatebion ymgynghori dienw yn cael eu cadw ar weinyddion diogel y Cyngor am hyd at 2 flynedd. Bydd data dienw a ddadansoddir o ymatebion yr ymgynghoriad yn rhan o'r adroddiad terfynol.

Eich Hawliau (gan gynnwys y Weithdrefn Gwyno)

Eich hawliau o dan y Ddeddf Diogelu Data

Mae'r Ddeddf Diogelu Data yn rhoi nifer o hawliau i destun y data (y rheiny y mae'r wybodaeth yn sôn amdany'n nhw):

- Hawl i gael mynediad at ddata gan y testun – mae ffurflenni cais ar gyfer y broses hon ar gael ar ein gwefan: [Ffurflen Cais am Fynediad at Ddata gan y Testun \(SAR\)](#)
- Yr hawl i gael gwybod
- Yr hawl i gywiro
- Yr hawl i ddileu
- Yr hawl i gyfyngu ar brosesu
- Yr hawl i wrthwynebu
- Yr hawl i gludadwyedd data
- Hawliau mewn perthynas â gwneud penderfyniadau a phroffilio awtomataidd.

Mae rhagor o wybodaeth am eich hawliau ar gael ar y wefan hon: www.ico.org.uk

Er mwyn arfer eich hawliau, cysylltwch â'r maes gwasanaeth y manylir arno ar frig y ffurflen hon.

Y Weithdrefn Gwyno

Os ydych chi'n anfodlon ar y ffordd y mae Cyngor Bwrdeistref Sirol Caerffili wedi ymdrin â'ch cais/gwybodaeth, mae gennych chi'r hawl i gwyno. Cysylltwch â'r maes gwasanaeth a fanylir ar frig y ddogfen hon gan amlinellu eich materion.

Os byddwch chi'n parhau'n anfodlon, mae gennych chi hefyd yr hawl i gwyno wrth Swyddfa'r Comisiynydd Gwybodaeth. Am ragor o wybodaeth am y broses gwyno, dilynwch y ddolen hon.

www.caerffili.gov.uk/My-Council/Data-protection-and-freedom-of-information/Questions-and-complaints?lang=cy-gb